

ديوان

بحبك يا أمي

الشاعر الصحفي

نصر سليمان



مكتبة جزيرة الورد

ش ٢٦ يوليو من ميدان الأوبرا ت : ٠١٠٠٠٠٤٠٤٦ - ٢٧٨٧٧٥٧٤

بِسْمِ اللَّهِ الرَّحْمَنِ الرَّحِيمِ

إهداء

.....

**إلى أمي الحبيبة الغالية التي
علمتني مع أبي - رحمة الله عليه - أن
الحياة مجرد رحلة سريعة وأن السعادة
الحقيقية هي في القرب من الله للفوز
برضاه ..**

نصر سليمان

(١)

روحي بتحبك يا ربي

.....

مهما العتمة زادت

روحي شايقة

نور الفجر

ومهما البسمة غابت

قلبي شايف فرحة

ويا الصبر

ومادام الرب راضي

كل شئ بيهون

على قلبي

ديوان ... بحبك يا أمي

حبك يارب زادي

روحي بتحبك

ياري

...

(٢)

بحبك يا أمي

.....

بحبك يا أمي

بكل ما فيا

بروح و قلبي

وعينيا

ما هو أنت

كل شئ ليا

أنت المحبة

ونور البدر

في الدنيا

...

أمي الحبيبة

أنت القريبة

أنت الحنان

وحضن الامان

مهما شفت

من الزمان

يفضللي

قلبك الدافي

يفضللي

ودك الصافي

ما هو أنت

أغلى شئ ليا

أنت روح قلبي

وعينا

(٣)

كلام بيشفي الوجع

.....

فيه كلام

بيزيد الوجع

و كلام حلو

بيشفي الوجع

والقلب

شايل همومه

صابر

ولا عمره انخدع

...

(٤)

مش كل فراشة زي الثانية

.....

مش كل فراشة

زي الثانية

شفت فراشة

جميلة بهية

لونها خيالي

خطفت قلبي

قبل عينا

فتحت ليها

قلبي وكفي

طارت ليا

ضمت روحها

شوية

شوية

حبت روحي

وقالت

مشح فارق

روحك

ثانية

...

(٥)

احنا بشر

.....

يا ناس

احنا بشر

بنضعف لحظة

وممكن ننكسر

بس فينا قوة

بيها نقدر نقوم

وبالارادة نتتصر

بس احنا نرضي

رب البشر

(٦)

امتی حتفوق لنفسی

.....

انت دیا

مش بترضی

بقسمتک

باصص لغیرک

محتار فی لقمته

مش حاسس

بحاجات کثیرة

والنعمة أهه خاصمتک

کاره ناس کثیرة

نجحت وسبقتك

امتى حتفوق لنفسك

وتصحح خطوتك

اسعى زي غيرك

وارضى بقسمتك

...

(٧)

روحك يا حبيبي حلوة

.....

روحك يا حبيبي حلوة

بتحس بيا

حتى وانت غايب

عن عينا

ولما باكون معاك

من غير كلام

بتحس اللي بيا

روحك

روح محبة وحنية

روحك شفافة

جميلة .. رضية

روحك يا حبيبي حلوة

بتملا الدنيا عليا

...

(٨)

الفرحة في عينيكي

.....

بأحب أشوف

الفرحة في عينيكي

وعبير الورد

بيسري حواليك

بحس الدنيا فرحانة

يا حبيبتي

بيا وبيكي

ونور الحب

حوالينا

والفرحة

بين ايديكي

...

(٩)

من غير سبب

.....

من غير سبب

القدر هو القدر

واللي حصل

علينا انكتب

ولو رضينا

ربنا ح يراضينا

والبشرى للي صبر

وعند ربه احتسب

...

(١٠)

انت الأحن من أي حد

.....

أنت الأحن

من أي حد

ياللي خيرك

ماهو ش حد

أنت ربي

أنت حسبي

خلي نورك

يملا قلبي

خلي حبك

هو دربي
ده انت ربي
عالم بحالي
وبهداك
ينصلح حالي
انت واحد
ربي أحد
العظيم
فرد و صمد
...

(١١)

في يوم لقاء

.....

بفضلك ورحمتك

حنفـرح

في يوم لقاء

ياربي بجنتك

مع حبيبك

ومصطفاك

أنت رب الوجود

جواد .. رحيم

وودود

ورحمتك يا ربي

ما ليها أي حدود

...

(١٢)

سلامتك يا غالية

.....

سلامتك يا غالية

فداكي

روحي وعينيا

انت أغلى شئ

في الدنيا

أمي حبيبي

وكل ما ليا

...

سلامتك أمي

أغلى حبيبة

روحك من قلبي

قريبة

وفي قلبي

حباك يا أمي

نور وخير

وطيبة

...

(١٣)

البدر سعيد

.....

في عيد ميلاده

البدر سعيد

والورد فرحان

في يوم العيد

والقلب أخضر

والفرحة فيه

بتزيد

...

(١٤)

لسه باقي العشرة

لسه باقي العشرة

وذكرى حلوة

من الحكاية

لسه باقي

كلمة

وروح

وقسمة

من البداية

ومهما كان وصار

الحب مش اختيار

عائش معانا

في نبض قلوبنا

وشمس سمانا

...

(١٥)

بنتي شطورة

.....

بنتي شطورة

حلوة وأمورة

فيها الحنية

وشقاوة جنية

بتلعب

بحصان وعروسة

وبتضحك

زي الشموسة

بحب

أشوف ضحكتها

وقلبي سعيد

بفرحتها

...

(١٦)

أصلك يا حبيبي تتحب

.....

أصلك يا حبيبي

تتحب

بخفة روح

وطيبة قلب

وسلامة نية

وصدق الحب

بجد

أنت

يا حبيبي تتحب

...

يا حبيبي

انت الغالي

خليت عمري

يحلالي

خليت الدنيا

جميلة

من بعد رحلة

طويلة

أصلك يا حبيبي

تتحب

بخفة روح

وطيبة قلب

...

(١٧)

احنا بنكمل بعض

.....

احنا بنكمل بعض

زى البدر ويا الارض

زى عبير الروح والورد

زى القلب ويا النبض

أنت حبيبي

نور الود

...

(١٨)

بدر حياتي

.....

بدر الليل

له مواعيد

وبدر حياتي

جماله بيزيد

رقة

وود

جماله فريد

بيملا كياني

بحب سعيد

(١٩)

راجع ليه

.....

راجع ليه

الكلام بتعيده

اللى فات

احنا مش حنعيده

...

اللي راح

راح من زمان

واللي باقي

جراح

ح تطيب

مع النسيان

...

(٢٠)

القلب الكبير

.....

القلب الكبير

يساع الكون

القلب الكبير

ودود وحنون

قلب

زي السما الصافية

قلب

طيب مهما يكون

...

القلب الكبير
قلب أم
حاضن حبايبه
مهمل كان الحال
قلب صبور
شائل هم
و بيدي
من غير سؤال
قلب محبة
أبيض
ماتغيروش أحوال
قلب حبيب
قلب صاحب
مايغيروش المال
...

(۲۱)

شایِل همک لیِه

.....

شایِل همک لیِه

الدنیا فیها ایِه

لا هی دایمَة

ولا فیها شیء

تبکی علیِه

أعبد ربک

وإخلص عملک

وخلي أملك

دیها فیِه

(٢٢)

طول ما انت معايا

.....

طول ما انت معايا

الدنيا بخير

طول ما انت معايا

قلبي زي الطير

فارد جناحه للدنيا

طاير في السما

وعينيا

شايقة الفرحة

هلا عليا

(٢٣)

الحب إيه غير إحساس

.....

الحب إيه

غير إحساس

حنية

تفاهم

إخلاص

الحب إيه

غير مشاعر غالية

في القلب

أحلى غنوة

الحب بيخلينا

حاجة تانية

الحب أجمل شئ

في الدنيا

...

(٢٤)

لما تروق

.....

آه يا جمالك

لما تروق

الدنيا بتحلى

بأحلى شروق

وإفرح يا قلبي

وغني يا شوق

...

حياتنا ليه

بتضيع في عتاب

والقلب ليه

يعيش في عذاب

الدنيا أحلى

لما تروق

والقلب يفرح

ببسمه شوق

...

(٢٥)

الحلم عمره ما مات

.....

القلب مهما تعب

من كثر الوجع

الحلم عايش

في حضنه

مهما في الدنيا

انخدع

ومهما العمر فات

الحلم عمره ما مات

...

(٢٦)

لما الشوق يناديني

.....

لما الشوق يناديني

قلبي

يدوب في حنيني

روحي تناجي

قلبي يشابي

على مهجة روحي

حبيبي

...

لما حنيني يزيد

وحبيبي لسه بعيد
بأعيش الحلم معاه
والحلم فرح جديد
يتمنى القلب لقاءه
ومعاه القلب سعيد
...

(٢٧)

القريب م القلب

.....

القريب م القلب

جرحه

يزيد وجعك

والبعيد ع القلب

لا تحس بيه

ولا سمعك

واللي جوه القلب

قادر يسعده

ولما يجرح

يصعب عليه

يبعده

...

(٢٨)

بنت جميلة

.....

بنت جميلة

بنت أصيلة

القلب يحبها

ولا باليد

حيلة

...

بنت ... جنائين .. بساتين

قلب الفل .. ورد الياسمين

وبدر يلالي ع الجبين

بنت جميلة

بنت أصيلة

القلب يحبها

ولا باليد

حيلة

...

(٢٩)

من قبل أي حد

.....

من قبل أي حد

القلب فرشلك ورد

وجنانين محبته

ومفيش في الدنيا حد

زيه في نور الود

وعايش فرحته

ده القلب

قلب الورد
والحلم مالوش حد
والحب دنيته
...

(٣٠)

انت بس إيه حتكون

.....

ياللي بتظلم

وسهل تخون

أنت بس

أيه حتكون

إنسان ضعيف

ع الدنيا ضيف

ليه غرورك يغويك

الدنيا ده مش ليك

حتلاقي مصير محتوم

لما يجيلك يوم
لا فيه شفاعه
ولا يتأخر ساعة
وساعتها تشوف
كل شئ إنكتب
لا ليك رجوع
ولا ينفعك الذهب
...

(٣١)

يا قلبي اهدا

.....

يا قلبي اهدا

الجرح بكرة

يطيب ويهدا

والدنيا تروق

وكل غروب

وبعده شروق

...

يا قلبي سامح

الكل رايح

ومش حيبقى
غير كلمة حلوة
وذكرى حلوة
تعيش وتبقى
والدنيا تروق
وكل غروب
وبعده شروق
...

(٣٢)

الدنيا لحظات بتفوت

.....

الدنيا لحظات

بتفوت

لحظة فرح

لحظة ألم

بتفوت

لا نهار يبقى للابد

ولا ليل

مالحوش حدود

والعمر

في لحظة ينتهي

لحظات

بين الميلاد

والموت

...

(٣٣)

زي نجمة تاهت

.....

زي نجمة تاهت

وسط الغيوم

وطال غيابها

يوم

من بعد يوم

لكن قلبي بيستنى

تروح الغمة والضلمة

وروحى بنورها تتمنى

لو تحضن نور النجمة

(٣٤)

طمني عليك

.....

طمني عليك

يا قلبي

وانت بعيد

ومش جنبي

بخاف عليك

وباحن ديمالك

وقلبي معاك

وروحي هناك

بتحوم حواليك

بحب روحك

یا روح قلبی

حب کبیر

حب عجیب

حب مصیر

حب حبیب

...

(۳۵)

عیش حیاتک

.....

عیش حیاتک

وانسی

أی شی فاتک

عیش حیاتک

واشفی قلبک

من آهاتک

عیش بقلبک

کل ثانیه

فی أحلی دنیا

فيها الخير

والحب والمودة

وشمس طالة

وأحلى وردة

...

(٣٦)

كل شيء بيتغير

.....

بالحب

كل شيء بيتغير

لو كنت كبير

أو كنت صغير

بالحب

المحال..

حتطوله الإيد

وبالقلب

عيش دنياك

وحتبقى سعيد

ده الحب

في لحظة بيغير

ومن غيره

حتعيش متحير

...

(٣٧)

راضي بنصيب

.....

راضي بنصيب

يارب

راضي باللي انكتب

للقلب

ومها الريح تشتد

حأفضل أقول

يارب

ما هو أنت

الملاذ والحمى

وأنت الأحن

على قلبي أنا

والصبر مشواري

ولو طال سنة

ورا سنة

بكرة حيحي نهاري

بكل الخير والهنا

وطول ما القلب

بيدعي

يارب

ح يطيب كل جرح

وضنا

...

(٣٨)

اللي يحب

.....

اللي يحب

بيراغي حبيبه

اللي يحب

ليه بيسييه

اللي يحب

ليه راح يأسى

ليه بيكابو

عمره ما حينسى

...

(٣٩)

بنوتة حلوة

.....

بنوتة حلوة

ضحكتها غنوة

ولما تبكي

الدنيا تبكي

...

بنوتة غالية

ضحكتها عالية

كلها فرحة

بالورد طارحة

شقاوتها حلوة

ضحكتها غنوة

...

(٤٠)

صدقني بحبك أكثر

.....

صدقني بحبك أكثر

حلوة الدنيا ولا تمرر

ومهما يكون

حبك أكبر

وقلبي عمره ما حيتأثر

ما أنت حبيبي

حبك غالي

قلبك غالي

قلبي يحبك

أكثر وأكثر

حلوة الدنيا

ولا تمرر

...

(٤١)

رحمة ونور للعالمين

.....

النبي

ديما رحيم

بالمؤمنين

النبي

ديما

رؤوف بالمسلمين

النبي

رحمة ونور

للعالمين

صلّى عليه ربنا
والملائكة أجمعين
صلّوا عليه
في كل حين
يا مؤمنين
...

(٤٢)

كل ما أشوف الشمس

.....

كل ما أشوف الشمس

بأحن ليك

كل ما أشوف

البدر

أحن ليك

...

قلبي نوره

بين إيديك

مهما كان ويكون

قلبي روحه

عاشة ليك

...

(٤٣)

بقلبي بأدعيلك يا ربي

.....

بقلبي

بأدعيلك يا ربي

يسكن نورك

في قلبي

ويصاحب خطوتي

على دربي

وفي يوم الحساب

يكون لنا نصيب

من شفاعاة

نبينا الحبيب

...

(٤٤)

قلب أمي.. قلب السعد

.....

كل سنة والقلب طيب

يا أطيب قلب

كل سنة وقلبك قرب

من أي حد

قلبك حياتي

يا قلب أمي

يا قلب السعد

...

(٤٥)

اخْلَص النية لربك

.....

هو حبيقي إيه منك

غير ذكرى حلوة

تحكي عنك

ياريت تخليها

ذكرى حلوة

زي قلبك

وخلي ودك

نور في دربك

واخلص النية

لربك

...



صدر للمؤلف

* ديوان (قدري) ... عن دار نشر «جزيرة الورد» لصاحبها ومديرها الأستاذ فتحي هاشم في أول شارع ٦٢ يوليو ناحية مترو الأنفاق بالعتبة بوسط القاهرة .

* ديوان (بحبك يارب) ... وهو بالعامية المصرية

* ديوان (ربي القدوس)

* ديوان (مشاعر عفوية)

* ديوان (قالت تجادلني)

* ديوان (كلامك أحلى من كلامهم) .. بالعامية المصرية

* ديوان (تحرر من احتلالي)

.....

للتواصل : nasrsoliman2@gmail.com

٠١٠١٢٠٧١٥٨٤

نصر سليمان

الفهرس

إهداء	٥
روحي بتحبك يا ربي	٧
بحبك يا أمي	٩
كلام بيشفي الوجد	١١
مش كل فراشة زي الثانية	١٢
إحنا بشر	١٤
امتى حتفوق لنفسك	١٥
روحك يا حبيبي حلوة	١٧
الفرحة في عينيكي	١٩
من غير سبب	٢١
أنت الأحن من أي حد	٢٢
في يوم لقاءك	٢٤
سلامتك يا غالية	٢٦
البدر سعيد	٢٨
لسه باقي العشرة	٢٩
بنتي شطورة	٣١

- أصلك يا حبيبي تتحب ٣٣
- إحنا بنكمل بعض ٣٥
- بدر حياتي ٣٦
- راجع ليه ٣٧
- القلب الكبير ٣٩
- شايل همك ليه ٤١
- طول ما أنت معايا ٤٢
- الحب إيه غير إحساس ٤٣
- لما تروق ٤٥
- الحلم عمره ما مات ٤٧
- لما الشوق يناديني ٤٨
- القريب م القلب ٥٠
- بنت جميلة ٥٢
- من قبل أي حد ٥٤
- انت بس أيه حتكون ٥٦
- يا قلبي إهدا ٥٨
- الدنيا لحظات بتفوت ٦٠
- زي نجمة تاهت ٦٢

- ٦٣ طمني عليك
- ٦٥ عيش حياتك
- ٦٧ كل شيء يتغير
- ٦٩ راضي بنصبي
- ٧١ اللي يحب
- ٧٢ بنوثة حلوة
- ٧٤ صدقني بحبك أكثر
- ٧٦ رحمة ونور للعالمين
- ٧٨ كل ما أشوف الشمس
- ٨٠ بقلبي بادعيلك ياربي
- ٨٢ قلب أمي .. قلب السعد
- ٨٣ اخلص النية لربك
- ٨٥ صدر للمؤلف
- ٨٦ الفهرس

